

LA CARTA DEL APÓSTOL SAN PABLO A TITO

Pablo escribe a Tito

¹ Yu Pablo ati puuropu petoacã mu yu queti joo mare, Tito. Dio cu paabojari majocu yu ã, cu ye quetire buio teñau. Jesucristo ye quetire cu cabuio rotiricu yu ã. Dio cu cabejericarãre yu buio rotimi Dio, Jesucristo yere na api nacubugoato ñi. Cu ye queti cariape macaje ã, na ï majiato ïi yu buio rotimi Dio. Tie quetire api nacubugorã, Dio cu caboorore bairo caroaro ani majigarãma.

² To cãnacã rumu Dio mena na cãnicõa aninucupe quenare majigarãma. Tirumupure ati yepa átigu jugoye, “Yu mena anicõa aninucugarãma,” cañupi Dio. Cañjocau mee cu cãno to bairona caroaro mari cãnicõa anipere mari tugooña wariñuu ani maji, cure api nacubugorã.

³ Cayoaro bero cu caboori pau cãnopu mari camajioñupi Dio tirumupu cu cañ cûrica wamere. “Yu mena anicõa aninucugarãma yure caapipajeerã,” cu cañriquere marire camajioñupi. “Tierena mu buio teñagu,” yu cañ buiowu Dio. Mari caroorijere marire canetoobojaricuna yu cañ buiowu. To bairo yure cu cabuio teñá rotirore bairona yu áa yua.

⁴ Tito, mare yu cabuiorique apiri Jesucristore mu caapipajee jugowu. To bairi yu macare bairo yu catugooñau mu ã. Mari Pacu Dio caroaro wariñuuriquere mare cu joato. Jesucristo, caroorije

mari cátieri marire canetoobojaₔ cₔ quena to bairona caroa ani wariñuuriquere mure cₔ joato.

El trabajo de Tito en Creta

⁵ Tito, yₔ yaₔ, mₔ yₔ cacūwₔ Creta na caĩri poapₔ capairi ya recomaca cāni poa yucₔ poapₔ. Topₔ Jesure caapipajeerāre na yₔ cabuio peoquetajere na buioya ūi, mₔ yₔ cacūwₔ. “Cristore caapipajeerāre cajugo aniparāre na bejeya,” mₔ yₔ caĩwₔ, to cānacā macapₔ Cristore caapipajeerāre cajugo aniparāre.

⁶ To bairi camaja, “Caroaro cána ãma,” na caĩrāre na mₔ bejegₔ. Jícao jeto canamoa cunare, cátí epericarā cátiquenare na mₔ bejegₔ. Na punaa Jesu ye quetire caapipajeerā anigarāma. “Roorije cátinucurā, na pacuare caboca wada canamurā ãma,” aperā na caĩ majiquēna anigarāma na punaa. To bairona na punaa mena caroaro cāna jetore cabejepé ã Jesure caapipajeerāre cajugo aniparāre.

⁷ Dio yere carotirā cāniparā caroorije cátiquenare mari boo. Caroti uwiorāre mari booquēe. Caroaro mena carotirā macare mari boo. Capunjini tuti pairāre mari booquēe. Camechōrijere caeti pairā quenare mari booquēe Dio yere carotiparāre. To bairona aperāre cauwa pairāre mari booquēe. Caroorijere capaa wapatarāre mari booquēe. Caroa macaje macare capaa wapatarā macare mari boo Dio yere carotiparāre.

⁸ To bairo quena aperā cāáteñarā na caejaro caroaro na t̄pₔ cāni rotirāre mari boo. Caroa átajere cátí wariñuunucurāre mari boo. Caroaro áti ãnaje jetore cabeje majirāre mari boo. Cariape cána, Dio cₔ cat̄joorijere cána, caroorije cátibopere

catugooña yajio ocabutirã mari boo. To bairo cabairã ñuuubujama.

⁹ To bairi Jesucristo ye quetire nemoo cu cabuio rotiriquire, cariape macaje jetore cabuiorãre mari boo. To bairo cabairãre mu cabejerã cariape macajere buio majigarãma. Aperã ricati cabuiorã quenare, “To bairo me ã, ocõo bairo maca ã cariape wame,” na ï buio majiogarãma. To bairo na caïro ricati cabuiorã maca ñuuquẽto na catugooñari wamere buio janagarãma yua. To bairona cänare caroarãre na cabejepé ã Jesucristore caapipa-jeerãre cajugo aniparãre.

¹⁰ Capãarã ãma topu ti poapu Creta yucu poapure cariape macajere cabai botiorã. Cañorije macare buioma. Yoaro wadabaopunana cäni majuurijere buioquẽema. To bairona cañto wadarã aperã netoro to bairije cañuuquëtiere wadanucuma judío maya jĩcaarã.

¹¹ Cabuioya manipa wamere na buionucuma. Caapiricaro tujoorijere jã cabuiorije wapa apeye uniere marire na joato ïrã, buio teñatonucuma. To bairo na cañorije apiri jĩca wiiri macana Jesu ye quetire caapibatana api janacõama yua. To bairi nare cañorijere cabuio teñanucurãre na cabuio jana rotipau mu ã, Tito.

¹² Jĩcau na yauna cabero cabaipere cabuio jugoyeyei ocõo bairije na cañupu: “Mujaa ati pau Creta yucu poa macana cañto pairã muja ã. Cañuuquẽna muja ã. Uga pacabaopunana muja majuuna muja paaquẽe,” cañupu jĩcau cu yarãre ti poa macanare.

¹³ Cariape na cañupu Creta poa macanare. To bairona bainucuma. To bairi, “Baiqueticõaña

majaa,” seeto na ī buioya Tito, Jesu ye quetire. Cariape macaje jetore na apipajeato ī tutuaro na ī buioya.

¹⁴ Ocōo bairo na ī buioya: “Judío majaa cawatoa cāni wameri na caī buorijere apiqueticōña. Cariape macaje macare cabai botiorā na majuuna na catugooñari wame na cāti rotirijere na apipajeequeticōña,” na ī buioya seeto topa Cretapá macanare.

¹⁵ Caroaro t̄ugooñariquere catugooñacōana caroaro áticōa aninucuma. Diore caapi nucubugoguēna maca rooro catugooñanucurā aniri caroorije jeto átinucuma. Na catugooñarijepa caroorije jeto t̄ugooñanucuma. Cañuuriye macare t̄ugooña majiquēema.

¹⁶ “Diore camajirā jā ã,” ūbaopnana caroorije átinucuma. To bairo rooro na cátinucurijere t̄ujurā, “Cañorā ãma, Diore camajirā me ãma,” mari ī maji. Dio cu caboorijere cabai botiorā ãma. Na majuuna na caboorijere Dio cu catugooquētie jetore átinucuma. Caroa macare áti majiquēema.

2

La enseñanza sana

¹ Ma maca, Tito, Jesu ye queti majuure cariape macaje jetore buioya.

² Cabucurā to macana caumare ocōo bairo na ī buioya: “Caroaro t̄ugooña majaa catiya. Caroaro ája, aperā caroaro m̄ajaare na ī t̄ugooñaato ūrā. Caroa macaje átajere beje majiña. Cariape Jesu ye jetore apipajeyya, cariape macaje jetore. Diore cu nucubugoya. Cu yarā quenare to bairona na nucubugoya, na átinemori. Diore apipajee

janaquēja, popiye m̄ja cabairije to anibao joroquena." To bairona na buioya to macana cabucrā caumhāre.

³ Cabucrā romiri to macana quenare ocōo bairo na ī buioya: "Caroarā, Dio c̄u caboorore bairo jeto anicōaña. Caroorije aperāre na ī buio batequeticōaña. Eti cumuqueticōaña. Caroa jetore na áti majioña aperāre.

⁴ Cawamarā romirire caroa jetore na cáti ani majipere na buioya," na īna cabucrā romiri macare. To bairi cawamarā romiri maca na manap̄are caroaro nare na maiato, na punaa quenare.

⁵ Caroa átajere na beje majiato cawamarā romiri. Caroorije cáti eperā na aniqueticōato. Na yere caroaro na paacōa aninucuato. Aperāre na mai t̄uj̄ri caroaro nare na átinemocōa aninucuato. Na manap̄are nare na áti n̄ac̄ubugocōa aninucuato. To bairona caroaro na anicōato cawamarā romiri. Cabucrā romiri macare, "To bairo caroaro na cabaipere na majioña cawamarā romirire," na m̄ īḡ Tito. Nare na camajioquēpata caroaro ani majiquetiborāma. To bairi aperā maca īuuquēto na cátiere t̄uj̄rā na wada paiborāma. "Dio ye quetire na cabuionucurije īuuquēe," ī wada paiborāma. To bairi, "Cawamarā romiri caroaro na cānipere na majioña," na m̄ īḡ cabucrā romiri to macanare.

⁶ To bairona caumhā cawamarā, "M̄ja quena caroa macare m̄ja cáti anipere beje majiñā," na ī buioya, Tito, na quenare.

⁷ M̄hā majuuna caroa átajere na áti majiocōa aninucuña, Tito, cawamarāre. To bairo caroa m̄ cāto t̄uj̄rā, "Mari quena Titore bairo caroaro mari

áti anigarā,” ī t̄ḡooñagarāma yua. Jesu ye quetire buioʉ cariape jeto buioya. Ricati ape wame buioqueticōaña. Caroaro n̄uc̄b̄gorique mena cariape buioya.

8 To bairo cariape Jesu ye quetire n̄uc̄b̄gorique mena m̄a cabuioro aperā cabooquēna maca, “Caroorije īnucuma Jesu yere cabuio teñarā,” marire ī wada pai majiquetigarāma. Na majuuna t̄ḡooña bobogarāma yua.

9 Ocōo bairo na ī buioya aperāre paabojari majare: “M̄ja ʉparā nipetiro m̄jaare na cátí rotirijere caroaro ája. Nare jā cátibojarije na t̄j̄u wariñuato īrā, caroaro paaya. Na cañri wamere na boca wada canamuqueticōaña.

10 M̄ja ʉparā ye apeye uniere jee rutiqueticōaña. Caroa macare ája, m̄ja ʉparā, ‘Caroarā majuu ãma jā paabojari maja,’ m̄jaare na cañ t̄j̄u wariñuu n̄uc̄b̄goparore bairo īrā. To bairo caroaro m̄ja cabairo m̄ja ʉparā, ‘Dio ye queti cañuurije ãno. Mari paabojari maja tiere apipajeeri caroaro átinucuma,’ m̄ja īgarāma. To bairona caroaro t̄ḡooñagarāma Jesure, marire canetooricure.” To bairo na ī buioya, Tito, aperāre paabojari majare.

11 Mari Pacʉ Dio camaja nipetirā marire camai t̄j̄yupi. Mari mai t̄j̄uri cʉ Macare cajooyupi, caroori paupʉ mari cáaóbopere nare cʉ netoobojaato īlī.

12 To bairi cʉ cat̄joorije jetore mari cáticōa aninucupere boomi Dio. Caroorije, ati yepa macana c̄are canuc̄b̄goquēna maca caroorije na cátiganucurije uniere mari cátiquetipere boomi. “Caraa wame macare yʉ átigʉ,” mari cañ beje ma-

jipere boomi Dio. Cañuuri jere Dio cu caboorije cána mari cānipere boomi Dio. Ati yepapu mari cāni rumari cōona to bairo caroarā jeto mari cānipere boomi Dio.

¹³ To bairi mari Upau majuu Jesucristo, caroorije marire canetoobojaricu cu catunu atípere mari yuugarā. Cu mena mari cānicōa aninucupere mari tugooña cote wariñuu yuugarā. Seeto cu caajiya baterije mena tunu atígumi Jesu.

¹⁴ Jesucristo cu majuuna marire cabai yajibojayupi caroorije mari cátie wapa. Yu yarā majuu, cañuuri je macare cátigarā na ãamaro ñi, mari cátibojayupi Jesucristo.

¹⁵ To bairi tiere na ñ buionucuña, Tito to macanare. Tutuaro to bairijere na áti ocabutí rotiya. To bairo cátí ocabutiquénare ocõo bairo na ñña: “Roro muja áa. Cariape macaje macare ája,” na ñ buionucuña. To bairona na cañ rotipauna mu ã mua. To bairi nacubogorique mena na ñ buioya, “Caroti majiquẽcu ãmi,” mure na cañquetiparore bairo ñi.

3

Deberes de los creyentes

¹ Apeye na ñ buionemoña Jesucristore caapipa-jeerãe. Caroaro na cátí majiparore bairo ocõo bairije na ñ buioya, Tito: Maca uparã, gobierno macanare caroaro na apipajeyya. Aperã quenare nipetiro caroa wamerire na átinemocōa aninucuña.

² Aperãre rooro na wada paqueti majuucõaña. Aperã mena na ame ñ wada canamuqueticõaña. Caroaro na mena ãña. Camaja nipetirã mena

ĩ daque buionucuña. To bairije na ĩ buioya to macanare, Tito.

³ Mari quena tirumapu Dio yere catugooña majiquēna mari cānibapu. Dio cu carotirijere mari cátiquetinucuwu. Cariape mari catugooñaquēpu. Mari majuuna cañuuqueti wamerire mari cátigarijere átinucubana caroorijere mari cáti jana majiquēpu. Roro aperāre mari cáticōa aninucuwu. Aperā yere tujh ugoo, ame tujugatee, ame tuti cabairā mari cāninucubapu.

⁴⁻⁵ To bairo roorije mari ānaje cutibao joroquena mari camai tujuyipi Dio. Mari mai tujuri caroori paupu majuupu cāáboricarāre marire canetoowī. Mari majuuna caroa mari cátie wapa mee mari canetoowī. Cu majuuna mari mai tujuri marire canetoowī. Ugueri coje rericarore bairona caroorije mari cátierie rei mari canetoo catiowī. Caroarā maca cawamarāre bairona mari anio joroque marire cawajoawī. To bairo ácu cu Espíritu Santo jugori cawama yericuna cāniparāre marire cawajoawī caroa cānie macare mari cáti aninucuparore bairo.

⁶ Jesucristo marire canetooricu jugori marire cajoo netowī Dio cu Espíritu Santore.

⁷ To bairi mari mai tujuri, “Caroorije mana āma,” mari ĩ tujumi Dio yua, Jesucristo marire cu cabai yajibojaro ii. To bairo, “Caroorije mana āma,” manire ĩ tujuri cu mena to cānacā rūmhu cānicōa aninucuparāre marire cacūñupi. To bairi cu tupa mari cānicōa aninucupere mari tuggooña wariñuu yua.

⁸ Cariape atie quetire mu yu buio, Tito. To bairi atie mu yu caqueti buio joorijere caroaro na buio

apioya seeto Diore caapipajeerāre. Caroa na áticōa aninucuato ī na ī buioya. Caroa macaje majuu jetore na cátipere mʉ yʉ queti buio joo.

⁹ Cawatoa macajere cawadarāre na apiquēja. Camaja cāni j̄ugoricarā ãnana na wamerire yoaro cōoñariquere wadama. Moisé tirumʉpʉ macacʉ cʉ carotirique quenare ame wada netonucuma. Ñeere cátipe me ā na caame ī wada netorije. To bairi nare bairo ti uniere ame ī wada netoqueticōaña. Na apiqueticōaña.

¹⁰ Nii nare bairona caĩ wada netoʉ ūcʉ mʉja mena cʉ cāmata caroaro cʉ ī buioya. “Jā t̄ugooña ricawati wada netoo joroque átiqueticōaña,” cʉ ñīna. Jīcani o pugani cūre mʉ buiobao joroquena cʉ caapigaquēpata, “To cōona, jā mena aniqueticōaña,” cʉ mʉ ïgʉ.

¹¹ “Cañuuquētie jetore t̄ugooñabacʉ caroorije cáti païi āmi,” cʉ mʉ ī tʉjʉ majigʉ. Cʉ majuuna ape wame cʉ cabuionucurije wapa cʉ popiyeyegʉmi Dio. To bairi to bairona caĩ wada neto païi ūcure mʉ buugʉ.

Instrucciones personales

¹² Yucʉacāre Artema cawamecʉcure cʉ joʉ o Tíquico macare cʉ joʉ yʉ joogʉ mʉ tʉpu. Cʉ caejaro beroacā yoaro mee mʉ apá. Nicópoli na cañri macapʉre yʉ anigʉ. Topʉ yʉ anicōdagʉ ati puere. To bairi topʉ Nicópolipʉ yure mʉ tʉjʉ apá.

¹³ Senas cawamecʉcʉ uparā na carotirijere cabuenucuʉ, Apolo cawamecʉcʉ mena na cāaáteñapere na átinemoña. Jesu ye quetire na cabuio teñaparore bairo nipetiro na caboopere na jooya.

14 Ape wame quena Cretapu macana mari yarãre, “Caroaro paarique cuja,” na ī buioya. To bairo na caju paanemoro caroaro aperãre catinemocõana anigarãma na quena.

Saludos y bendición final

15 Yu mena atopu cãna nipetirã ñuu rotima. To macana mari yarã Jesure caapipajeerã caroaro na ñuato. Mari Pacu Dio caroare mujaare cu joato.

To cõona ã.

Dio Wadarique New Testament in Tatuyo

copyright © 2009 Wycliffe Bible Translators, Inc.

Language: (Tatuyo)

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tatuyo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-10-10

PDF generated using Haiola and XeLaTeX on 18 Apr 2025 from source files
dated 29 Jan 2022
567a3a55-fb71-5739-897d-feb9b547d57b